

- dem mac ez wol entvliegen.
 sus begunde den meister triegen
 65 sîn lère und ouch sîn meisterschaft,
 die er mit überiger kraft
 sînen jungelingen bôt,
 sô er mit slegen machte rôt
 ir rücken und ir wange.
 70 do gedâhten si vil ange,
 wie si mohten entwîchen
 und von den slegen slîchen,
 als der edel Jônas,
 der ouch von gote flühtic was
 75 ze Tarsis in dem lande
 (er wânde sîn unbekande
 den klâren gotes ougen).
 sus vluchen âne lougen
 die zwêne klôsterknappen
 80 von ir geistlîchen kappen
 in der werlde vreise.
 ein klagelîche reise
 begunden si dô werben
 und an der sêle verderben
 85 nâch der werlde sùeze,
 diu ungetriuwe grùeze
 mit âküstigem blicke
 erzeiget harte dicke

Dem mak ez wol enphliegen. | Suft begunde den maister triegen.
 Sîn lér vñ och sîn maisterschaft. | Die er mit vberiger kraft.
 Sinen iungelingen bot. | So er mit slegen machet rot. Ir ruggen
 vñ ir wange. | Do gedachten si vil ange. Wie si mochten ent-
 wîchē. | Vñ von den slegen slîchen. Als der edel ionas. Der ôch
 von gote fluchtik was. | Zetarjis' in dem lande (hier ist mit
 frischer Feder und dünneren Buchstaben neu angesetzt). Er
 wand sîn vnbekande. Den claren gotes ögen. | Suft vluchen ane
 logen. Die zuwen closter knappe. Von ir gaistlich kappe. | In d'
 welte fraise. Ain clageliche raise. Begunden si do werben. | Vñ
 and sel v'derben. Nach d' welte zûz. Diu vngetriuwe gûez. | Mit
 akustigen (darnach Rasur) plikke. Erzaiget harte dikke.